

O'ZBEKISTON RESPUBLIKASI
OLIV TA'LIM, FAN VA INNOVATSIYALAR VAZIRLIGI
FARG'ONA DAVLAT UNIVERSITETI

**FarDU.
ILMIY
XABARLAR-**

1995-yildan nashr etiladi
Yilda 6 marta chiqadi

4-2023

**НАУЧНЫЙ
ВЕСТНИК.
ФерГУ**

Издаётся с 1995 года
Выходит 6 раз в год

A.A.Abduxalimov	
Andijon viloyatida sog'liqni saqlash muassasalari faoliyatidan.....	213
F.K.Yusupjanova	
Turli tizimli tillarda "head/bosh/ голова" somatik komponenti bilan makallarning qiyosiy-tipologik o'rganish	217
F.M.Mamadjanov	
Katta ma'lumotlar asrida milliy xavfsizlik tadqiqotlari.....	227
M.Komilova	
Imkoniyati cheklangan o'quvchilarni ta'limga jalb qilish.....	233
A.A.Abduxalimov	
Namangan viloyatidagi shifoxonalar faoliyati va ularning moddiy-texnik holati.....	239
I.R.Asqarov, M.M.Akbarova, Z.A.Smanova	
Portulaca oleracea o'simligining kimyoviy xossalari	242
S.M.Isroilova	
Muloqot qilish rus tilini oqitish jarayonida talabalarning kommunikativ kompetensiyasini shakllantirish.....	249
Sh.V.Djalolov	
Umumta'lim maktab tizimida boshlang'ich sinf o'quvchilarining jismoniy tayyorgarligi va organizmning funksional holatining monitoringi.....	253
A.A.Qambarov	
Marg'ilonlik katta ashula darg'alari.....	260
D.T.Samatov	
Falsafa fanini o'qitishda multimedaviy storitellingdan foydalanishning samaradorligi.....	265
A.U.Azimov	
Yuksak axloqiy yoshlarni tarbiyalashda fuqarolik jamiyatining o'rni	269
A.A.Ahrorqulov	
Oliy ta'lim tizimida korrupsiyaga qarshi kurash.....	275
D.A.Mamajonova	
Oliy ta'lim sohasida korrupsiya va korrupsiyaviy xavf-xatar tushunchalari.....	279
M.M.Mamadaliyeva	
Oliy ta'lim sohasida korrupsiyaviy xavflar tahlili	282
U.O'.Musoyev	
Buxoro xonligida yer egaligi munosabatlari va ularning xududiy tavsifi.....	286
D.Y.Tashnazarov	
Yunon-rum kurashchilarini texnik usullarga o'rgatishda umumiy va maxsus tayyorgarligi	291
M.M.Alimova	
Ikkinchi jahon urushi arafasida mehnat intizomi (Buxoro viloyati)	299
R.Sh.Bozorova	
Gidropoetonimlarning onomastik birliklar tizimidagi o'rni.....	303
E.X.Zoyirov	
Ya'qubi Charxiyning "Tafsiri" da pir-murshid tushunchasi	307
A.S.Inomov	
Ichki ishlar organlarida amalga oshirilayotgan ma'naviy-ma'rifiy islohotlar strategiyasi.....	311
I.S.Aslonov	
O'zbekistonning mustamlakachilik davrida savdo va transport yo'llari tarixi	316
B.M.Jo'raquziev	
Yangi O'zbekistonda ijtimoiy siyosat masalalari	320
O.Radjabov	
Qirg'izistonda temir yo'llar tarixi	324
Y.Shukurillaev	
Sho'ro Rossiyasi tomonidan Buxoro amirligining bosib olinishi jarayonida to'plagan razvedka ma'lumotlari tahlili	330
M.M.Mamatkodiurov	
Maktablarda raqamli texnologiyalardan foydalanish metodologiyasini yaratish uchun asosiy tizimli komponentlar.....	333
M.Sh.Qoraboeva	
Islom falsafasida intellektual faoliyat mezonlariga doir qarashlar tahlili	338

OLIV TA'LIM SOHASIDA KORRUPTSIYAVIY XAVFLAR TAHLILI
АНАЛИЗ КОРРУПЦИОННОГО РИСКА В ВЫСШЕМ ОБРАЗОВАНИИ
ANALYSIS OF CORRUPTION RISK IN HIGHER EDUCATION

Mamadaliyeva Muazzam Murodjon qizi¹

¹**Mamadaliyeva Muazzam Murodjon qizi** — Farg'ona davlat universiteti Yurisprudensiya yo'nalishi talabasi

Annotatsiya

Ushbu illatga qarshi nafaqat davlat organlari balki Oliy ta'lim sohasida ham faol harakti va ularning bu illat yuzasidan asos deb biladigan fikr va mulohazalari batafsil yoritilib ko'rsatilib o'tilgan.

Аннотация

Подробно показаны активные действия не только государственных органов, но и в сфере высшего образования против этого заболевания и их мнения и соображения по поводу этого заболевания.

Abstract

The active action of not only state bodies but also in the field of higher education against this disease, and their opinions and considerations regarding this disease, which they consider to be the basis, are shown in detail.

Kalit so'zlar: "Jamoatchilik nazorati", "Ijtimoiy fikr", "Murojaatnoma", "Jinoiy javobgarlik".

Ключевые слова: «Общественный контроль», «Общественное мнение», «Обжалование», «Уголовная ответственность».

Key words: "Public control", "Social opinion", "Appeal", "Criminal liability".

KIRISH

Bugungi kunda jahon amaliyotida korrupsiyaviy huquqbuzarliklarga qarshi kurashishda profilaktik uslublardan foydalanish keng tarqalgan. Korrupsiyaviy jinoyatlarning ko'pchiligi aniqlanmay qolishini inobatga olsak, bu yo'nalishga ko'proq e'tibor berish maqsadga muvofiq bo'ladi.

Fikrimizcha, korrupsiyaviy xavf-xatarlarning tahlil etish jarayoni milliy darajada keng o'rganilmagan (shu jumladan oliy ta'lim tizimida) soha bo'lib, lekin xalqaro miqyosda ushbu yo'nalish keng tarqalgan.

ADABIYOTLAR TAHLILI

Jumladan, Claremont Universiteti tomonidan "International Cooperation against Corruption, Finance & Development"[1] qo'llanmasida, "U4" Korrupsiyaga qarshi kurashish markazi katta maslahatchisi Stenberg Johnson tomonidan "The basics of corruption risk management A framework for decision making and integration into the project cycles"[2]² qo'llanmasida, "U4" Korrupsiyaga qarshi kurashish markazi maslahatchisi Marijana Trivunovic va boshqalar tomonidan "Developing an NGO corruption risk management system: Considerations for donors"[3] qo'llanmasi va OECD yoki Iqtisodiy hamkorlik va taraqqiyot tashkiloti tomonidan "Integrity of Education Systems A Methodology for Sector Assessment"[2] qo'llanmasida batafsil yoritib o'tilgan.

Korrupsiyaviy xavf-xatarlarni aniqlashda ularni yuza keltiruvchi omillar bilan to'qnash kelamiz. Professor Robert Klitgaard korrupsiyaviy xavf-xatarlarni K=M+E-H-O (K-korrupsiya,

M-monopoliya, E-ehtiyotkorlik, H-hisobdorlik, O-oshkoralik) formulasi orqali yoritadi. Formulada davlat va jamiyat hayotida monopoliya egalarining ehtiyotkorlik bilan munosabatga kirishishlari uchun ularni hisobdorligi va oshkoraligi ta'minlanishi kerak[3,18].

Fikrimizcha, **korrupsiyaviy xavf-xatarlarni tahlil etish** – davlat organining amalga oshirayotgan funksiyalari (vakolatlari)ni tahlil etish va korrupsiyaga oid huquqbuzarliklarning sodir etilishiga sharoit yaratishi mumkin bo'lgan korrupsiya xavf-xatarlarini aniqlash hamda ularni minimallashtirishga qaratilgan samarali va natijali chora-tadbirlarni ishlab chiqish bo'yicha faoliyat hisoblanadi.

Oliy ta'lim sohasida korrupsiyaviy xavf-xatarlarni tahlil etish jarayonida ma'lumotlarni jamlash dastlabki va muhim bosqich hisoblanadi. Bunda bir nechta farqli usullardan foydalanish mumkin:

Birinchiidan, sohasidagi davlat xizmatchilarining tegishli faoliyatini tartibga soladigan hamda funktsiya (vakolat)larini belgilab beradigan normativ-huquqiy va lokal hujjatlar (davlat organi to'g'risidagi nizom, ma'muriy reglamentlar, yuqori turuvchi davlat organlarining bayonoma, qarorlari va topshiriqlari, lavozim yo'riqnomalari, buyruqlar va boshqalar)ni olish.

Ikkinchiidan, ta'lim muassasalaridagi ichki tekshiruvlar, jumladan, xizmat tekshiruv materiallari, davlat xizmatchisi (xodimi)ning korrupsiyaga oid huquqbuzarliklarni sodir etishga moyilligiga oid faktlar to'g'risidagi xabarlarini to'plash, bu borada ko'maklashuvchi shaxslar xizmatidan foydalanish.

Uchinchiidan, ta'lim xizmatidan foydalanuvchilar talabalar, o'qituvchilar, fuqarolik jamiyati institutlari va boshqa manfaatdor shaxslar ishtirokida ijtimoiy so'rovlar o'tkazish.

To'rtinchiidan, sohadagi huquqbuzarliklar to'g'risidagi statistik ma'lumotlar olish.

Beshinchiidan, jismoniy va yuridik shaxslarning murojaatlari, xalqaro va xorijiy ekspertlar ma'lumotlari, fuqarolik jamiyati institutlari va ommaviy axborot vositalarining oliy ta'lim sohasida korrupsiyaga oid huquqbuzarliklar haqidagi yoki davlat xizmatchisi tomonidan odob-ahloq qoidalariga rioya qilmaganligi holatlari to'g'risidagi ma'lumotlardan iborat bo'lgan xabarlarini olish.

Oltinchiidan, huquqni muhofaza qiluvchi organlar tomonidan taqdim etilgan materiallar, jumladan, prokuror nazorati hujjatlarini to'plash.

NATIJA VA MUHOKAMA

Yuqorida keltirilgan usullar yordamida to'plangan ma'lumotlar umumlashtiriladi, tahlil qilinadi va shu asosda korrupsiyaviy xavf-xatar aniqlanadi. Aniqlangan korrupsiyaviy xavf-xatarlarning kelib chiqish ehtimoli va uning salbiy ta'sir etish hajmiga qarab **past, o'rta, yuqori darajada** baholanadi.

So'nggi bosqichda saralangan korrupsiyaviy xavf-xatarlarni bartaraf etish bo'yicha taklif va mulohazalar ishlab chiqiladi hamda zarur choratadbirlar belgilanadi.

Xorijiy mutaxassis va ekspertlar korrupsiyaviy xavf-xatarlarni tahlil qilishda turli xil yondashuvlarni keltirib o'tgan. Xususan, "U4" Korrupsiyaga qarshi kurashish markazi katta maslahatchisi Stenberg Johnson fikriga ko'ra, "Korrupsiyaviy xavf-xatarlarni tahlil etish to'rtta bosqichdan iborat bo'lib, bu yondashuvda tizimli xavflarni o'rganish, xavf darajasini aniqlash va samaradorlik ko'rsatkichlariga asoslangan holda xavf-xatarlarni kamaytirish choralarni tanlashni tavsiya qiladi.

Taniqli ekspert Stenberg Johnson korrupsiyaviy xavflarni tahlil etish jarayonini quyidagi to'rtta bosqichga bo'ladi:

1) korrupsiyaviy xavf-xatarlarni aniqlash, ularga bardoshlilik darajasini belgilash;

2) xavf-xatarlar darajasining baholash (ehtimollik va ta'sirlar);

faol xavf-xatarlar darajasini bardoshlilik bilan taqqoslash, agar talab etilsa, xavflarni bartaraf etish bo'yicha qaror qabul qilish;

agar xavf-xatarlarni bartaraf etish talab etilsa, eng kam xarajat va samarali usulni tanlash"[4,7].

Stenberg Johnson uslubiga asosan, oliy ta'lim sohasida mavjud bo'lgan xavf-xatarlardan birini amaliy misol tarzida ko'rib chiqsak, uning yondashuvining mohiyatini anglash mumkin bo'ladi.

Birinchi bosqichda mavjud xavf-xatarlar aniqlanadi, ya'ni bunda sodir etilgan korrupsiyaviy huquqbuzarlikning kelib chiqish sabablari, unga yo'l ochib bergan omillar o'rganiladi. Masalan, ma'lum yo'nalishida o'qiyotgan talabani turdosh bo'lmagan boshqa yo'nalishga o'tkazish tartibi normativ-huquqiy hujjatlarda[5] aniq ko'rsatilmaganlik holatini sohadagi korrupsiyaviy xavf-xatarlardan biri sifatida aniqlab oldik.

Ikkinchi bosqichda aniqlangan xavf-xatarlar baholanadi, ya'ni uni xavf darajasi, korrupsiyaviy huquqbuzarliklarni sodir etilish imkoniyati, mavjud tizimga salbiy ta'sirlari, salbiy oqibatlar kabi faktor bo'yicha o'rganiladi. Yuqoridagi misolni davom ettirsak, talabani bir yo'nalishdan turdosh bo'lmagan boshqa yo'nalishga o'tkazish tartibini normativ-huquqiy hujjatlarda aniq belgilanmaganlik holatini yuqori korrupsiyaviy xavf-xatar sifatida baholashimiz mumkin. Zero, talabga javob bermaydigan, bilimsiz kadrlarni shakllanishi davlatning har qanday faoliyatiga salbiy ta'sir qiladi. Asosiysi, o'qishga kirish imkoniyati katta bo'lgan yo'nalishdan raqobat kuchli bo'lgan yo'nalishga pora evaziga o'tish korrupsiyaviy mexanizmga aylangani, bu borada talabgorlarning

ko'pligi va ushbu jarayonni inson omiliga bog'liq holda hal etilishi xavfning yuqori darajasini ko'rsatib beradi.

Uchinchi bosqichda aniqlangan va baholangan xavf-xatarlar darajasini inson omiliga bardoshliligi taqqoslanadi. Bunda mavjud xavf-xatarlar darajasiga mansabdorlar yoki boshqa vakolatli shaxslar bardosh bera olishlik imkoniyatlari tahlil qilinadi. Agar mansabdor shaxsning korrupsiyaviy xavf-xatar darajasiga bardosh bera olmasligi aniq bo'lsa, uni bartaraf etish bo'yicha qaror qabul qilinadi. Amaliy misolni davom ettiradigan bo'lsak, o'zi qiziqmagan mutaxassislik bo'yicha o'qiyotgan talaba, albatta, o'zi xohlagan mutaxassisligi bo'yicha o'qishni xohlaydi va buning uchun turli yo'llarni qidiradi. Talabani o'zi xohlagan yo'nalishga o'qishini ko'chirish imkoniyati uning uchun yagona yo'l sifatida maydonga chiqadi, o'qishni ko'chirishga talabgorlar ko'p bo'lishi, bu faoliyatda tegishli mas'ullarning vakolatlari aniq belgilanmagani, mansabdor shaxslarning korrupsiyaviy bosimga bardosh bera olmaslik ehtimoli yuqori ekanligini ko'rsatadi.

To'rtinchi bosqichda aniqlangan, baholangan va inson omiliga bardoshliligi taqqoslangan korrupsiyaviy xavf-xatarlarni bartaraf etish uchun samarali va kamxarajat chora tanlanadi. Talabalarning turdosh bo'lmagan yo'nalishlarga ko'chirish korrupsiyaviy holatlarni keltirib chiqarishi, bu bo'yicha har yili OTMda komissiyalar tuzilishi, buning uchun budjetdan mablag'lar ajratilishi yoki mas'ullarga qo'shimcha vazifalar yuklatilishi kabi holatlarni inobatga olsak, turdosh bo'lmagan mutaxassislik bo'yicha talabalarni ko'chirish tartibini butunlay bekor qilish maqsadga muvofiq.

“U4” Korrupsiyaga qarshi kurashish markazi maslahatchisi Marijana Trivunovic tomonidan korrupsiyaviy xavf-xatarlarni tahlil etishni to'rt bosqichga bo'lingan bo'lsada,[6,6] Stenberg Johnson usulidan farqli ravishda u xavf-xatarlarni inson omiliga bardoshliligiga alohida e'tibor bermagan, lekin xavf-xatarlarni bartaraf etish uchun tanlangan chorani amalga oshirishni alohida bosqich sifatida ko'rsatgan.

“Xususan:

- a) dastur yoki loyiha asosida belgilangan maqsadlarni amalga oshirish uchun korrupsiyaviy xavf-xatarlar va tahdidlarni aniqlash;
- b) korrupsiyaviy xavf-xatarlarni ehtimollik darajasi va ta'sir etish imkoniyatlariga asosan jiddiylik darajasini belgilash;
- v) korrupsiyaviy xavf-xatrlarni kamaytirish uchun aniq va ustuvor chora-tadbirlarni belgilash;
- d) korrupsiyaviy xavf-xatarlarni yuzaga kelish imkoniyatlari va zararli ta'sirlarni kamaytirish maqsadida belgilangan choratadbirlarni amalga oshirish”.

Ta'lim tizimida korrupsiyaviy xavf-xatarlarni tahlil etishning yana bir yondashuvi Integrity of Education System (INTES) yoki Ta'lim tizimining yaxlitligi deb nomlanadi. Bu tizim Open Society Foundation (Ochiq jamiyat fondi) tomonidan AQShdagi o'rta maxsus va OTMda qo'llangan. Shuningdek, Iqtisodiy hamkorlik va taraqqiyot tashkiloti tomonidan Ukraina ta'lim tizimni tahlil etishda ham foydalanilgan.

INTES yuqoridagi yondashuvlardan farqli ravishda tahlilni uch bosqichda amalga oshiradi:

1. Sohada mavjud xavfni aniqlash, ya'ni korrupsiyaviy huquqbuzarlik “nima” degan savolga javob topish, bunda yaxlit huquqbuzarlik nima ekanligi aniqlanadi;

2. Sababiy tahlilni amalga oshirish, ya'ni korrupsiyaviy huquqbuzarlik “qanday” sodir etilgan degan savolga javob topish, bunda huquqbuzarlikka yo'l ochgan imkoniyatlar aniqlanadi hamda sababiy tahlilning ikkinchi qismini amalga oshirish, ya'ni bunda korrupsiyaviy huquqbuzarlik “nima uchun” sodir etilgan degan savolga javob topish, bunda huquqbuzarlik uchun qanday manfaat yaratishini aniqlash;

3. Sohada mavjud xavfni bartaraf etish bo'yicha qaror qabul qilish, bunda sodir etiladigan harakatlar shakllantiriladi”[7,28].

INTES uslubi sohada mavjud xavf-xatarlarni aniqlash, ularni asl sabab va omillarini topishda juda qulay, biroq mazkur yondashuvda aniqlangan xavf-xatarlarni baholashga, bartaraf etilishi lozim bo'lgan xavf-xatarlarni belgilab olishga e'tibor qaratilmagan. Fikrimizcha, INTES uslubini uchinchi bosqichini xavf-xatarlarni inson omiliga taqqoslash orqali baholash jarayoni bilan to'ldirsak, mukammal tizimga ega bo'lamiz.

M.Trivunovich esa korrupsiyaviy xavf-xatarlarni tahlil etishni asosan, ikkita yo'nalishga, ya'ni xavf-xatarlarning oldini olish va jazolash yo'nalishiga bo'ladi.[8,6] Fikrimizcha, mazkur ikki

yo'nalishni bir-biridan alohida ajratish yoki ularni alohida qo'llash maqsadga muvofiq emas. Zero, korrupsiyaviy xavf-xatarlarni oldini olish uning oqibatlarini bilan kurashishdan ko'ra yaxshi, lekin tahlil va tizimli o'zgarishlarni amalga oshirish uchun bu mukammal tizim yaratildi yoki korrupsiyaviy huquqbuzarliklar sodir etilmaydi degani emas. Shuning uchun sodir etilgan korrupsiyaviy huquqbuzarliklarga qonuniy chora ko'rish jazolash yo'nalishi orqali ta'minlanadi. Har bir davlatda bu ikki yo'nalishni mavjud bo'lishi korrupsiyaning maksimal oldini olish imkoniyatini beradi.

XULOSA

Yuqorida keltirilgan korrupsiyaviy xavf-xatarlarni tahlil etish uslublarini nafaqat oliy ta'lim sohasida, balki boshqa sohalarda (sog'liqni saqlash, kapital qurilish, bank-moliya va boshqa) ham qo'llash mumkin.

Oliy ta'lim sohasida korrupsiyaviy xavf-xatarlarni tahlil etishni quyidagi asoslarga ko'ra ham tasniflash mumkin.

Birinchidan, hududiylik tamoyili asosida, davlatning butun hududidagi yoki ayrim hududdagi OTMda tadqiqot o'tkazish (Respublika yoki Toshkent shahrida joylashgan OTMda).

Ikkinchidan, sohalar asosida, mutaxassislik yo'nalishlari bo'yicha OTMni tadqiq qilish (Respublikadagi tibbiyot OTM).

Uchinchidan, xavf-xatarlarni sodir etilayotgan huquqbuzarlik turlari asosida tadqiq qilish (mansabdor shaxslar poraxo'rlik jinoyatlari).

To'rtinchidan, OTMning tashkiliy-huquqiy shakliga ko'ra xavf-xatarlarni tahlil qilish (davlat, xususiy yoki xorijiy OTMda).

Beshinchidan, sohaning ayrim bosqichlarida xavf-xatarlarni tahlil qilish (O'qishga kirish, talabalarni baholash, boshqaruv bosqichlarida).

Oltinchidan, sohada mavjud lavozimlar bo'yicha korrupsiyaviy xavf-xatarlarni tahlil qilish (rektor, prorektor, hisobchi, yoki kafedra mudiri).

ADABIYOTLAR RO'YXATI

1. Sh.M.Mirziyoyev, O'zbekiston Respublikasi Konstitutsiyasining 26 yilligiga bag'ishlangan tantanali marosimdagi ma'ruza, 2018-yil 7-dekabr.
2. Sh.M.Mirziyoyev, O'zbekiston Respublikasi Oliy Majlisiga yo'llagan murojaatnomasi, 2020 24 yanvar.
3. Korrupsiyaga qarshi kurash bo'yicha Respublika Idoralararo komissiyaning yig'ilish bayoni, "Oliy ta'lim sohasida korrupsiyaga qarshi kurashish va qonuniylikni ta'minlashga doir masalalar" – 2019–yil 18–yanvar.
4. O'zbekiston Respublikasi qonun hujjatlar ma'lumotlari milliy bazasi, 2019 y., 06/19/5847/3887-son.
5. Osipian A. "Glossary of Higher Education Corruption with Explanations", 2009, p – 26. <http://people.vanderbilt.edu/~ararat.osipian>. <http://www.osvita.org>
6. Akhrorqulov, A. (2020). Non-Profit Organizations: Legislation Reform And Law Enforcement Practice. *The American Journal of Political Science Law and Criminology*, 2(10), 129-134.
7. Gulyamov, S., & Akhrorqulov, A. (2022). NOTIJORAT TASHKILOTLAR FAOLIYATINI TARTIBGA SOLISHNING HUQUQIY ASOSLARI: MILLIY VA XORIJIY TAJRIBA. *Oriental renaissance: Innovative, educational, natural and social sciences*, 2(5), 1029-1041.
8. Akhrorqulov, A. (2022). NOTIJORAT TASHKILOTLARI TO'G'RISIDAGI QONUNCHILIKNI TAKOMILLASHTIRISH MASALALARI. *Oriental renaissance: Innovative, educational, natural and social sciences*, 2(6), 893-902.
9. Akhrorqulov, A. (2020). Issues of formation and registration of non-profit organizations. *Scientific research results in pandemic conditions (COVID-19)*, 1(02), 23-26.
10. Mamajonova, D. (2022). KONSTITUTSIYAVIY ISLOHOTLAR–XALQ MANFAATINING ASOSIY MEZONI. *Oriental renaissance: Innovative, educational, natural and social sciences*, 2(10), 688-693.
11. Dadaboeva, D. A. (2021). Civil-legal regulation of educational services. *ACADEMICIA: An International Multidisciplinary Research Journal*, 11(8), 448-453.
12. Baratov, M., & Borotov, A. (2021). METHODS AND RESOURCES OF REALIZING THE RIGHT OF PRIVATE PROPERTY OR THE RIGHT TO USE THE LAND AS AN ELEMENT OF PRIVATE PROPERTY. *Berlin Studies Transnational Journal of Science and Humanities*, 1(1.4 Legal sciences).
13. Borotov, A. X. (2021). XUSUSIY MULK HUQUQINI AMALGA OSHIRISH SHARTLARI: DE YURE/DE FACTO. *JURNAL PRAVOVIX ISSLEDOVANIY*, 6(5).
14. KO 'CHMAS MULK SOTILGANDA YER UCHASTKASIGA BO 'LGAN HUQUQNING YURIDIK TAQDIRINI BELGILASH A Rahimjonov "Oriental renaissance: Innovative, educational, natural and social sciences ... 2 2022
15. INCREASING CIVIL LIABILITY FOR VIOLATION OF RIGHTS TO REAL ESTATE A Rakhimjonov "The american journal of social science and education innovations" 3 (04 ... 1 2021
16. Topildiyev, B. R. (2022). MOL–MULKNI ISHONCHLI BOSHQARISH TUSHUNCHASI VA UNING SHAKLLANISHI. *Oriental renaissance: Innovative, educational, natural and social sciences*, 2(4), 998-1008.
17. Topildiyev, B. R. (2017). Osnovniye usloviya dogovora doveritel'nogo upravleniya imushchestvom. *Yurist*, (9), 15-19.